

Neska bat eta mutil bat bortxatu dituzte Mungian

■ Eraso biak jaigunean gertatu ziren larunbatean

Erredakzioa / Bilbo

SEXU eraso bi izan ziren Mungia (Bizkaia) San Pedro jailetako jaigunean iragan larunbatean. Ertzaintzak jakinarazi zuenez, neska bat bortxatua izan zen txosna baten atzean goizaldeko 04:30etan. Lau ordu geroago, egun argiz, lau gizonezkoak jaigunetik hurbil lotan zegoen gazte bat biluztarazi eta uzkitik plastikozko botila bat sartu zioten.

Biktima biak Gurutze Gorriko talde batek hartu zituen erasotuak izan ziren lekuan, eta ondoren Basurtuko Ospitalera eraman zituzten. Neska erasotuak salaketa judiziala jarri bazuen ere, Ertzaintzak ez du mutilaren aldetik inolako salaketarik jaso. Ondorioz, Ertzaintza neskaren kontrako erasoak ikertzen ari da, baina mutilaren auzian ez du gauza bera egiterik.

21 urteko neska goizaldeko 04:30ak aldera bortxatu zuten herrigunetik urrunduta eta une horretan jendez gainezka zegoen jaigunean. Eraso sexuala txosna baten atzealdean, jendetza zegoen lekutik 10-15 metrora gertatu zen.

Neskatilaren lagunak Gurutze Gorriko anbulantziara hurbildu ziren laguntza eske.

Haiek SOS-Deiak eta bertara hurreratu zen Ertzaintzaren patruila bat ohartarazi zituzten. Neskatala Basurtuko ospitalera eraman zuten, eta, beharrezko laguntza jaso ostean, salaketa judiziala aurkeztu zuen.

Bigarren erasoak lau bat ordu geroago, dagoeneko itxita zeuden txosnetatik ehun bat metrotara gertatu zen. Egun argia zen, eta gaupasa egindako jende ugari zegoen oraindik jaigunean.

Jaigunetik hurbil dagoen baserri bateko jabeak hasieran txantxa bat zela pentsatu zuen. Gosaltzera zihoanean, goizeko 09:00etan, koadrila bat ikusi zuen belar gainean lotan zegoen mutil bat astintzen. «Lau ziren. Praxak jaitzi eta poltsikoak arakatu zizkioten», kontatu zuen auzokideak. Gaztea astindu ostean, batek plastikozko botila baten burua sartu zion uzkitik. «Aberrazio bat izan zen, gero lasai asko joan ziren bi autotan».

Ordu batzuk lehenago neska lagundu zuen Gurutze Gorriko talde berak hartu zuen mutil erasotua. Boluntarioen arabera, biktimaren egoera penagarria zen. «Mutila ahozpe, ia konortea galduta, ortozik, frakak jaitzita eta botila ipurdian sartuta» aurkitu zuten. Gurutze Gorrikoek gaztea suspertu ostean, Basurtuko Ospitalera eraman zuten. X

Itoizko urtegiaren ordainketari baietz berriz ere

■ Nafarroako Gobernuak atzo onartu zuen

Efe / Donostia

NAFARROAKO Gobernuak atzo Nafarroako Kanala ordaintzeko akordioarekin bat datorrela azaldu zuen, onartu egin baitu. Akordio hori joan den astean hitzartu zuten Itoizko urtegiaren inguruko aferak lantzeko Nafarroako Gobernuak eta Espainia-

ko Estatuko Gobernuak atonduta duten batzorde berezian.

Akordio horretan hitzartutakoaren arabera, egin beharreko lanen %60 Espainiako Gobernuak ordainduko ditu. Gainontzeko dirutza guztia, berriz, Nafarroakoak ipini beharko du. Lanen aurrengo epea bedertzi urtetan burutzea espero da. X




EGAN
Euskal literatur aldizkaria

-Ale berri eta trinko bat zure atseginerako.
-Euskal kritikari onenen artikulua eta saiakerak.
-Euskal literaturaren jarraipena egiteko derrigorrezko aldizkaria.
-Antzerkiak, poesiak, euskal doinu eta bertsoak.
-Harpidetza zaitetz.
-256 orri, 1.800 pezetan aña bakoitza, 2.500 pezetan harpidetza, merkeago ezin.

AUKERA PAREGABEA: Eska itzazu **Orixeren idazlan guztiak (5 ale)** eta Patri Urkizuren **Bertso ta kantak (2 ale)** **EGAN** harpidetzarekin batera: dena batera **8.500,-** peztan.

Izena.....
Helbidea.....
Herria..... posta-kodea..... tel.....
Banku edo Kutxa (20 digito).....
1.- **Harpidetza bakarrik hartu nahi dut:** 2.500,- ()
2.- **Orixeren idazlan guztiak** eta Patri Urkizuren **Bertso etsa kantak** bakarrik hartu nahi ditut: 7.500,- peztan. ()
3.- **Orixeren idazlan guztiak**, Patri Urkizuren **Bertso eta kantak** eta **EGAN** harpidetza, denak batera hartu nahi ditut: 8.500 peztan. ()

HELBIDEA: **EGAN**, Peña y Goñi, 5-2. DONOSTIA.
Tel.: 943 28 55 77. Postakutxatila: 3263



Jesus Ugalde kimikari euskalduna (bigarrena ezkerretik), atzo Donostiako Kimikako Fakultateko lankideekin.

ANDER GILLENEA

Jesus Ugalde kimikariak jasoko du Xabier Maria Munibe saria

Hoffman Nobel Saria dago bere izena proposatu dutenen artean

Jesus Ugalde kimikari bergararrak jasoko du aurten, Euskal Herriko Adiskideen Elkarteak eta Eusko Legebiltzarak banatzen duten Xabier Maria Munibe saria. Kimika kuantikoan egiten duen ikerketa lanarengatik jasoko du saria. Izen-lapena ustekabe atsegina izan dela esan digu.

Ainhoa Oiartzabal / Donostia

XABIER MARIA MUNIBE saria urtero banatzen dute EAEko Legebiltzarak eta Euskal Herriko Adiskideen Elkarteak. Ikerketa lan jakin bat baino gehiago, zientziaren arloan eginiko ibilbide profesionala saritzen dute. Horrela bada, urte batean giza zientzien arloko aditu bati ematen diote saria; eta, hurrengo urtean, zientziaren esparruko ikertzaile bati. Iaz Jesus Altunak jasozuen saria, antropologiaren esparruan eginiko lanarengatik. Aurtengo saria, atzo ezagutzea eman zuten, Jesus Ugalde kimikariak jasoko du. Jesus Ugalde saritzeko proposamena Euskal Herriko Unibertsitateko

Kimika Fakultateko dekanok egin zuen, Unai Ugaldek hain zuzen. Proposamen hori bultzatzeko, besteak beste, Hoffman Kimikako Nobel Sariaren izena ageri da proposamenean.

Izan ere, Jesus Ugalde munduan zehar eta batez ere Kandan kimikaren esparruan lanean ibili den zientzialari ezaguna da. Kimika kuantikoan aditua, laboratorioran egin ezin diren probak egiten aritzen da ordenagailu bitartez. Esaterako, galaxiak nola sortzen diren aztertu du. Alde batetik, hainbat arazo kimikori teoria aplikatzen die; eta, bestetik, teoria garatzen du sortzen diren arazo kimikoetatik abiatuta. Bere esanetan, teoria atxikitzen dio kimikari, hots,

kimika teorizatzen du. Beraz, gero laboratorioran ikertzaileek egiten dituzten probak bideratzen laguntzen du. Era berean, laboratorioran egiten dituzten probak teorizatzen dituzte Jesus eta bere lan taldeak.

Kimikari euskalduna • Bergarako 40 urteko kimikaria da Jesus Ugalde. EHUKo Donostiako Kimika Fakultateko dekanordea eta kimikan katedraduna. Dekanorde izateari garrantzia kendu eta Unai Ugalde dekanorearen lana goraipatu du (Jesus Ugaldere izena proposatu duen Kimika Fakultateko dekanoa). Derrigorrezkoa dela dio mundu zabaleko beste zientzialarien lanaren berri izan eta esperientziak trukatzeari. Xabier Maria Munibe saria ohore bat eta ustekabe atsegina izan direla gehitu digu. «Orain arte eginiko lana aintzat hartzeaz gain, etorkizuneko proiektuei asko laguntzen dien saria da», adierazi digu. X

Zabor kamioi batek harrapatuta hil da australiar gazte bat Donostian

■ Kamioiak atzeraka egin eta harrapatu zuen atzeritarra Parte Zaharrean

Erredakzioa / Donostia

JEFFRI M.L 29 urteko australiar gaztea hil zen atzo goizaldera zabor kamioi batek harrapatuta Donostiako Parte Zaharrean. Lanarean zeudela, kamioi gidaria zen operatzaileak ematen zizkion ohartuak jarraituz, eta ez ziren harrapatu eta berehala hil zen.

Jeffri Michael Leter gaztea lagunekin zegoen istripua izan zen unea. 03:30ak aldera jazo zen gertaera.

Bestalde, bi pertsona hil ziren igandean Ordizian eta Zuian izandako auto istripuetan.

Ordizian (Gipuzkoa) izan zen auto istripuan 24 urteko I.A. G.A. beasaindarra hil zen. Errepidetik ateratzen atera zen autoa Ordizian, eta bost metro behera egin zuen Oria gaineko zubiraino. I.A.G.A. rekin zihoazene beste bi lagunak larri zauritu ziren. Kolpe gogorra izan zen, eta ondorioz suhiltzaileek ateratzen atera zituzten, autoko hiru lagunak harrapatuta geratu baitziren.

Zuian (Araba) izan auto istri-

puan, aldiz, 55 urteko R.L.F. hil zen. Bilboko norabidean zihoan Ford Scort auto bat errepidetik ateratzen, eta beste norabidean zihoan Alfa Romeo baten gainera erori zen. Ondorioz, azken auto horretan zihoan R.L.F. berehala hil zen. Istripuan beste lau zauritu izan ziren, eta Gasteizko ospitalerara eraman behar izan zituzten. Horietarik bi larri eraman zituzten, eta beste biek zauri arinak zituzten. Errepidetik ateratzen atera zen Ford Scort autoari gertatuaren berri ez da jakin. Aztertzen ari dira istripuaren zergatia. X